

# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat de Legibus, de Præceptis  
Decalogi, de Restitutione, ac de Contractibus

**Viva, Domenico**

**Patavii, 1723**

Art. II. An restituenda sint accepta ob causam honestam?

**urn:nbn:de:hbz:466:1-40673**

tem,) nisi aliquando aliter in pœnam delicti decernatur a jure; ut de facto decernitur in casu simoniae, quod premium acceptum pro beneficio, pro collatione ordinum, & pro admissione in religionem, restituatur pauperibus, vel Ecclesiæ, cui facta est injuria, non vero danti, idque in pœnam delicti, ex Less., & D. Th. 2. 2. quæst. 32. art. 7.

VI. Quæritur secundo, Utrum illi-  
cite acquisita a filio, servo, uxore,  
&c., restitui debeant Patri, Domino,  
Marito, &c., an possint illi ea sibi re-  
tinere?

Respondeo, Navar., Reginald., Sot., & alios apud Bonac. probabilius pu-  
tare, eodem modo discurrendum esse  
de iis, quæ licite a prædictis per-  
sonis acquiruntur, verbi gratia laboran-  
do, ac de iis, quæ illicite acquirun-  
tur, verbi gratia ob committendum  
homicidium, fornicationem, &c., quia  
peccatum non debet patrocinari delin-  
quenti: Quare sicuti acquisita licite a  
filio pertinent ad Patrem, saltem quoad  
usumfructum, seclusis castrenibus, vel  
quasi castrenibus; ita illicite acquisita  
ob turpem causam retineri non pos-  
sunt a filio, sed pertinent ad eundem  
Patrem. Verum Bonac. quæst. 3. punct.  
3., & alii putant, prædictas personas  
posse sibi retinere acquisita ob turpem  
causam. Ratio est, quia cum hujus-  
modi lucrum sit odiosum Patri, do-  
mino, marito, non debet dici, quod  
isti habeant jus ad tale lucrum acqui-  
situm a filio, servo, uxore, ob tur-  
pem causam: quia jura decernentia,  
quod acquisita ab ipsis pertineant ad  
Patrem, dominum, maritum, non lo-  
quuntur de tali lucro. Neque hinc se-  
quitur, quod peccatum patrocinetur  
delinquenti; Sicut enim si fur nego-  
tiatur pecuniam alienam, potest sibi  
retinere fructus hujusmodi mere indu-  
striales, quin illi in tali casu dicatur  
patrocinari peccatum, cum revera pa-

trocinetur illi jus, quod habet ad hu-  
jusmodi fructus, ita in casu nostro.  
Equidem tamen communiori senten-  
tia oppositæ adhærendum censeo.

## ARTICULUS II.

An restituenda sint accepta ob causam  
honestam?

- I. Restitui debent accepta ad præstan-  
dum opus debitum ex iustitia; ne-  
non pro omissione etiam ex iustitia  
debita; Non tamen accepta pro o-  
pera honesto, aut pro omissione, qua-  
ex iustitia non debeantur.
- II. Num possit etiam aliquid accipi pro  
opere debito ex charitate, quod non  
sit laboriosum, puta pro deponen-  
do odio?
- III. Si opus ex iustitia debitum Titio  
ponitur in gratiam Caji, num po-  
sit a Cajo aliquid accipi?
- IV. Cur in foro externo non datur actio  
ad repetendum, quod traditum est  
pro opere ex iustitia debito? Et si  
mul compellitur ad restitutionem,  
qui aliquid accepit pro non patran-  
do peccato.
- V. Non solum premium, sed etiam mu-  
nus involuntarie donatum pro opti-  
one debito ex iustitia universim re-  
stituendum est; non tamen si deus  
liberaliter.
- VI. Num possint famuli iudicis aliquid  
accipere a Titio, ut hic ante alios  
introducatur, & ejus causa prins  
expediatur?
- VII. Quandonam possint Officiales iu-  
dicis munera sibi donata retinere?
- VIII. Leges civiles si solum prohibeant,  
& non irritent acceptiōnem mune-  
rum, non obligant ad restitu-  
tiōnem; Sicut nec iuramentum de il-  
lis non acceptandis.
- IX. Si lex aliqua irritet donationem mu-  
nerum, hac restituenda sunt danti,  
nisi aliter statuat ipsa lex; & tunc  
requiri.

requiritur etiam sententia Iudicis,  
ut a dante tollantur.

I. Quæritur primo, An teneatur ad restitutionem, qui accepit pretium ad faciendum opus licitum, verbi gratia ad ferendam sententiam justam, ad administranda, vel suscipienda Sacra menta, ad jejunandum, &c.?

Respondeo cum communiori apud Bonac. contra Medin., Reginald., & alios, accepta pro faciendo opere honesto, debito ex justitia, restituenda esse: Contra vero posse retineri accepta pro faciendo quocumque alio opere honesto: Et similiter restituenda esse accepta pro omitendo aliquo opere illicito, cuius omissione debita est ex justitia, verbi gratia si quis aliquid accipiat, ne occidat, ne furetur; sed retineri posse accepta pro omitendo opere illicito, cuius omissione debita est ex alia virtute; verbi gratia, si quis aliquid accipiat, ne blasphemet, ne fornicetur. Ratio horum omnium est, quia obligatio restituendi oritur dum taxat ex violatione justitiae; atqui si aliquid accipiatur pro faciendo opere debito ex justitia, hæc violatur, quia quilibet habet jus, ut gratis sibi præstetur, quod debetur ex justitia; verbi gratia, si quid accipiatur Iudex pro ferenda sententia justa, violat virtutem justitiae; quia habet stipendium a Republica, vel a Rege, ad hoc ut gratis sententiam justam proferat, & ideo quilibet habet jus, ut gratis sibi præstetur sententia justa: Secus vero non violatur virtus justitiae, si quid accipiatur, verbi gratia, a Titio, ut baptizetur, ut missam audiat, ut jejunet; vel a medico, ut indigentibus medetur; quia nemo tenet ea opera præstare ex justitia. Similiter violat justitiam, qui aliquid accipit, ne occidat, ne furetur, quia ex justitia tenetur ea omittere; non vero violat justitiam, si

quid accipiat, ne fornicetur, aut blasphemet, quia ea omittere non tenetur ex justitia, sed ex alia virtute; ergo solum accepta ob opus, vel omissionem debitam ex justitia restitui debent.

II. Less. tamen cap. 14. dub. 9. probabiliter putat, non posse pretium exigiri, aut accipi pro faciendo opere debito ex charitate, quod non sit laboriosum, puta pro deponendo odio, pro revelando fure, &c.; tum quia communi hominum iudicio hæc non censentur pretio estimabili; tum etiam quia cum valde intersit proximo, ut hæc fiant, si detur pro iis pretium, tale pretium non censetur liberaliter donatum, sed coacte datum pro re nullius pretii; Unde si quid acceptum sit pro tali opere debito ex charitate, restitui debet, non secus ac acceptum pro opere debito ex justitia: Contra vero putat retineri posse pretium acceptum pro opere, quod cedit in honorem Dei, vel in commodum ipsius accipientis, puta pro audienda missa, pro abstinentia ab ebrietate; Et ratio est, quia cum nemo emat hujusmodi res, censetur liberaliter donatum, quod pro his faciendis datur.

Verum communior sententia contra Less. docet, posse pretium accipi etiam pro opere debito ex charitate, verbi gratia pro deponendo odio; aliter medicus teneretur ad restitutionem, si accipiatur pretium, ut medeat in indigentibus, quibus ex charitate tenetur mederi; quod communiter non admittunt apud Bonac. quæst. 3. punct. 3.: Falsum autem est, ut notat Vafq., quod tale pretium censeatur datum coacte, cum non detur per vim, nec danti sequatur ullum incommodum; Et quamvis qui pro iis operibus dat pretium, det invitus, non per hoc fit illi injuria; sicut non fit injuria ementi per hoc, quod invitus det pretium rei, quam vellet habere sine pretio.

Nc-

Neque dicas, disparitatem esse, quia emens dat pretium pro re pretio æstimabili; secus vero qui dat pretium pro opere debito ex charitate; Nam falsum est, hujusmodi opera non esse pretio æstimabilia, quando magnum ex iis emolumentum sequitur.

III. Opponitur primo, hinc sequi, quod etiam posset accipi pretium a Judice pro sequenda opinione probabili, quæ favet mihi potius, quam adversario, (cum ad id Judex non tenetur ex justitia, ) quod tamen est falsum, cum damnata sit ab Alex. VII. propos. 26. dicens: *Quando litigantes pro se habent opiniones aequae probabiles, posset Judex pecuniam accipere pro ferenda sententia in favorem unius prælio.*

Respondeo, nego sequelam; vetitum enim est Judici vendere hujusmodi arbitria, non solum legibus positivis, sed etiam lege naturali: Et ratio est, quia Judex ex justitia tenetur adjudicare litem ei, cui jura favent; Unde si utraque opinio est aequa probabilis, seu si aequa jura favent utrique litiganti, deber ex justitia litem dividere, ut suse ostendit Tambur. lib. 1. Decalogi cap. 3. §. 4. contra quamplures.

Non me latet sententia Vasq. cap. 7. dub. 6., Sot., & aliorum docentium apud Bonac., quod possit universim quilibet accipere pretium etiam pro faciendo opere debito ex justitia, dummodo tale pretium non accipiatur ab eo, in cuius favorem debet illud opus fieri ex justitia, sed ab extraneo, cuius non interfit illud fieri. Lessi. tamen lib. 2. cap. 14. dub. 9. cum communiori id negat, (solum concedens, quod possit accipi, quod vere liberaliter donatur ob tale opus.) Ratio est, quia quando aliquod opus est invendibile, tunc etiamsi in tua gratiam fiat, vendi non potest: Etenim apud homines tale obsequium non

censemur dignum pretio, sed amicitia; aliter usurarius posset aliquid a te exigere, si in tua gratiam mutuet pecuniam Petro; & Episcopus posset etiam aliquid a te exigere, si in tua gratiam conferat ordines, vel beneficium alteri; quod nemo dixerit.

IV. Opponitur secundo. In foro externo non datur actio ad repetendum id, quod traditum est pro opere debito ex justitia, ut habetur in leg. 2. ff. *De conditionibus ob turpem causam,* ergo neque in foro interno datur obligatio restituendi acceptum pro tali opere debito ex justitia. Adde, quod ex eadem lege habetur, posse in foro externo compelli ad restitutionem, qui accepit aliquid pro non patrando peccato; ergo etiam in foro interno datur hujusmodi obligatio; & consequenter sicut tenetur restituere, qui aliquid accepit, verbi gratia, ne occidat, ita restituere tenetur, qui aliquid accepit, verbi gratia, ut missam audiat die festo.

Respondeo, nego consequentiam; forum enim externum non concedit eam actionem, ne multiplicantur lites: Ad id, quod additur, nego consequentiam; nam ex antecedente solum sequitur, quod vi illius legis detur in foro externo actio ad repetendam rem traditam pro non patrando opere illicito, non vero sequitur, quod detur obligatio in foro interno eam restituendi, cum saepe leges obligent tantum pro foro externo ex presumptione delicti, quod revera saepe absit.

V. Quæritur secundo. An restitu debeat non solum pretium, sed etiam munus datum pro opere debito ex justitia?

Respondeo, & dico primo, si tale munus detur involuntarie, (verbi gratia, si detur munus ministro publico ad redimendam vexationem, quia scilicet probabiliter apparet taleni ministerium sine aliquo munere non esse praefatu-

stitutum, quod ex justitia præstare debet, cum sit negligens in negotiis expediendis; aut si prius expediat illos, qui munera offerunt, &c.) tenetur minister restituere munus acceptum ipsi danti; & quidem nulla expectata sententia Judicis, & independenter a quavis lege positiva. Ita communiter. Et ratio est, quia involuntarium impedit translationem dominii via donationis, quæ essentialiter debet esse libera; Unde eadem est ratio, sive detur pretium, sive munus; In neutro enim casu transfertur dominium, atque adeo tam pretium, quam munus involuntarie datum restitui debet.

VI. Propter hanc rationem Molin. tom. I. tract. 2. disp. 88. putat etiam famulos judicis teneri ad restitutionem, si accipiant munera, ut prius introducant unum, quam alium, seu ut prius expediant negotium ejus, qui munus obtulit, quam alterius: Etenim vel famuli anteponunt illum, quem ex justitia anteponere debent; (quia, verbi gratia, prius venit, aut e remotiori loco, aut quia periculum est in mora, &c.,) & recurrit, quod munus detur involuntarie, & coacte ad redimendam vexationem: Vel anteponunt alium ex iustitia postponendum; & tenentur saltē restituere damnum, quod infertur illi, qui postponitur, quando ex justitia erat præponendus; sicuti iudex ferens sententiam injustam tenetur restituere damnum parti lœse: Immo ipsi judices, seu officiales, si tolerent hujusmodi famulos, tenentur in solidum ad restitutionem; quia ex officio, atque adeo ex justitia illis incumbit has famulorum injusticias prohibere. Si tamen famulus sua gratia, industria, & precibus sine aliorum iusta mora obtineret expeditionem aliquis cause, procul dubio posset munus acceptum retinere, ut notat Molin. loc. cit.; quia ad hoc beneficium, quod est pretio estimabile, non tene-

batur famulus.

Adverbit hic Petrus Navar. lib. 3. cap. 3., quod Judex, seu Officialis tenetur ad restitutionem talium munierum, etiam quando non est probabiliter certus, sed moraliter dubius de coactione donationis ex metu injustitiae; quia exponeret se periculo accipiendi alienum, & fieret possessor dubiae fidei, qui, ut supra ostendimus, etiam ad restitutionem tenetur, non secus ac possessor malæ fidei.

VII. Dico secundo; præscindendo a lege positiva in contrarium, non tenetur officialis jure naturæ restituere munera liberaliter sibi donata sine ullo metu, sive quia dantur ab amicis, aut cognatis, qui perinde donarent, ac si non esset officialis; sive quia donantur post rem iulite obtentam ob gaudium, & gratitudinem, seu desiderium, ut in posterum officialis eodem modo se gerat; sive quia ita dantur ante expeditionem negotii, ut nullum periculum sit querelæ, si forte lis alteri iuste adjudicetur, sed solum alliciant officiale ad illam diligenter expediendam pro merito causæ; sive demum, quia dantur ex liberalitate; ut si dives det Notario aliquid ultra taxatam mercedem pro opere justo. Ita communiter. Ratio est quia jus naturæ nulli prohibet donare res suas alteri; ergo si quis donet illas officiali, modo habeat libertatem requisitam ad donandum, seu dummodo donatio non fiat per metum, talis donatio non erit irrita ex solo jure naturæ.

Confirmatur, quia si jure naturæ id esset prohibitum, non posset lex humana permittere, ut iudex delegatus accipiat a partibus esculenta, & polluta ex mera liberalitate oblata, sicut de facto permittitur in cap. Statutum, De rescriptis in 6. & leg. Solutio, ff. De officio Proconsulis.

Neque dicas primo; ista munera non darentur, nisi ille esset officialis;

er;

ergo non videntur dari ; nisi coacte ratione officii ; atque adeo talis donatione , utpote meticulosa , & involunta- ria , erit irrita .

Negatur enim consequentia ; Sicuti enim non ex eo , quod munera non darentur Titio , nisi esset amicus , inde fit , quod amicitia inferat coactio- nem , qua reddit donationem meticu- losam , & invalidam ; ita in casu no- stro , quinvis munera non darentur , nisi ille esset officialis , non inde sequitur , quod dentur per metum , & coa- cte ; dari enim possunt plene libere ex eo motivo , ut officialis in nego- tiis juste tibi faveat . Unde fit , quod si lis adjudicetur adversario , non pos- sint munera repeti , quia non data fuerunt sub conditione , ut tibi lis ad- judicetur , sed absolute ; Sicuti si quis det munera mulieri , ut alliciat illam ad peccatum , etiamsi deinde non con- sentiat , donatio est valida , & mune- ra repeti non possunt .

Neque dicas secundo ; ista munera conferri non possunt officiali sine scan- dalo , & periculo iustitiae , juxta illud Exod. 23. *Non accipias munera , que etiam excœcant prudentes , & sub- vertunt verba iustorum ; ut proinde oblatio talium munerum humanis etiam legibus prohibeatur .*

Nam primo falsum est , quod aliquando sine scandalo dari non possint , puta si dentur post sententiam latam , vel si dentur officiali amantissimo ju- stitiae , qui ipsos etiam donatores im- perterrite condemnare soleat ; vel si dentur ab iis , qui litem non habent , aut ab amicis , aut de rebus ordina- riis , &c. Secundo , dato , quod aliquando sine scandalo dari non possint , non proinde fit , quod donatio talium munerum sit nulla ; Sicuti si detur mu- nus foeminae animo inducendi illam ad fornicationem , etiamsi cum scanda- lo detur , adhuc donatio est valida , nec foemina tenetur ad restitutionem ,

etiamsi non consentiat .

VIII. Dico tertio ; munera accepta contra leges humanas , quæ non solum prohibent acceptationem , sed etiam annullant donationem , & reddunt ac- cipientes incapaces , & inhabiles ad acquirendum illorum dominium , re- stituenda sunt in conscientia . Quod si leges tantum prohibeant illorum ac- ceptationem , sed non irritent acceptationem , non sunt restituenda , etiam- si accipiens peccaverit mortaliter illa accipiendo , tum contra obedientiam legis , tum etiam sacrilege contra ju- ramentum fortasse factum de non ac- cipiendis muneribus . Ita communice cum Molin . loc. cit. . Ratio prima partis est , quia potest Princeps ob bonum commune in conscientia obligare , ut bona unius subditi per do- nationem non fiant de dominio alterius . Secunda pars conclusionis , que est contra Medin. , etiam probatur ; quia in jure ista duo sunt valde di- versa , prohibere , ne aliquid fiat , & irritare factum ; ut patet in innume- ris casibus . Neque obstat lex Non da- bium , ff. De legibus , & Reg. juris in 6. , ubi dicitur , quod *Quæ contra legem sunt , debeant uiique pro infidelis haberi .* Nam hinc solum infertur , quod quæ contra legem sunt , debeant in judicio irritari , non vero quod sint ipso facto irrita , & invalida . Juramentum autem de non accipiendis muneribus non fert obligationem ea re- stituendi , si sacrilege accipientur : (sic juramentum de non ludendo non fert , quin ludens faciat sua , quæ acquirit per ludum sacrilegum ) Ratio est , quia aliud est juramentum de non ac- cipiendis muneribus , aliud vero juramentum de non faciendis suis , ac re- tinendis muneribus . Quare potest quis contra primum juramentum sacrilege accipere munera , quin peccet contra idem juramentum , si ea deinde reti- neat , ac non restituat : *Quod si utrum- que*

que juraret, & non accipere, & non retinere munera, deberet quidem ea restituere, non tamen ex obligatione justitiae, sed religionis, ut notat Molin. loc. cit.

**IX.** Rogabis hic: Cuinam restituenda sint munera, quando lex irritat ilorum donationem?

Respondeo, restituenda esse ipsi danti. Ratio est, quia per talen donationem non est translatum dominium a dante. Excipe tamen nisi lex aliqua propter inobedientiam privet illis ipso jure dantem, & præcipiat restituenda esse pauperibus, vel fisco; nulla autem datur lex ( teste Molin. disp. 34, Sot., & aliis contra nonnullos) quæ tollat dominium a dante ante latam sententiam; Nam lex 2. ff. De conductione ob turpem causam, quæ statuit eum, qui dedit munera pro sententia justa, litem perdere, & lex 3. subsequens, quæ statuit, datum pro sententia injusta non posse repeti, sunt poenales, & non obligant in conscientia, nisi post latam sententiam in foro externo. Quare antequam dans pretium, vel munus contra leges condemnetur ad amissionem dati, debet accipiens restituere illud danti, qui nondum dominium amisit; per donationem enim non est translatum dominium in donatarium ex juris impedimento.

### ARTICULUS III.

An Bona incerta, vacantia, derelicta, & Animalia, quæ piscatione, aut venatione capiuntur, restituenda sint?

**I.** *Bona incerta, si acquisita sint ex delicto, restituenda sunt pauperibus. Quæ tamen sine delicto retinentur, probabiliter danda sunt etiam pauperibus, sed probabiliter retineri possunt.*

*Pars III.*

**II.** Post factam compositionem per Bullam bonorum incertorum, si dominus compareat, probabiliter ea non sunt restituenda.

**III.** Etiam Episcopus potest in sua Dicte compositionem facere debitorum incertorum.

**IV.** Bona vacantia, necnon derelicta sunt primo occupantis iure nature; jure tamen positivo aliud decernitur de bonis vacantibus.

**V.** Animalia, quæ venatione, aut piscatione capiuntur, secundum scilicet etiam primo occupantis.

**VI.** Potest Princeps sibi venationem, ac punctionem reservare, & potest reddere subditos incapaces dominio relata ad feras in suo nemore captas.

**VII.** Ad restitutionem tenetur, qui venatur in loco, ubi a Principe alteri concessum est ius venandi; non, quidem restituendo feras captas, sed compensando damnum, quod alteri probabiliter intulit habenti ius venandi.

**VIII.** Animal alterius, quod damnum infert in tuo pradio, non potest occidi, nisi aliter grave damnum impediri non posse.

**I. D**iximus quæst. 2. att. 1., Bonæ incerta, utpote aliena, retinendi non posse invito domino; Unde quando dominus ignoratur, si ea acquisita sint ex delicto, puta ex usura, furto, injusta emptione, de jure positivo restituenda sunt pauperibus; Si vero aut sint acquisita ex contractu justo, puta ex donatione, aut sint inventa, juxta communiorum sententiam, etiam pauperibus restituenda sunt, quamvis nonnulli cum Navar. apud Less. cap. 14. dub. 7. probabiliter putent posse post adhibitam diligentiam retineri ab ipso detentore cum onere restituendi ea domino, si forte deinde compareat; nam si pauperibus dentur,

N non